



Broj: 05/1-50-15-26-41-3/24

Sarajevo, 9. 9. 2024.

ZAPISNIK

41. sjednice Nezavisnog odbora Parlamentarne skupštine BiH

Sjednica je održana 9. 9. 2024, s početkom u 17 sati.

Sjednicu je sazvao Enes Obralijski, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obralijski, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Enes Bezdob, Muhamed Mujakić, Mate Miletić, Nikola Džambas, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici je prisustvovao i Michael Haner, predstavnik Ambasade Sjedinjenih Američkih Država u Bosni i Hercegovini.

Sjednicom je predsjedavao predsjednik Nezavisnog odbora Enes Obralijski.

Konstatirajući da postoji kvorum, otvorio je 41. sjednicu Nezavisnog odbora Parlamentarne skupštine BiH.

Prije usvajanja dnevnog reda, predsjednik Nezavisnog odbora Enes Obralijski predložio je dopunu dnevnog reda, i to: tačkom 2. Razmatranje Urgencije za postupanje po pritužbi i dopuna pritužbe na rad direktora Državne agencije za istrage i zaštitu, broj: 05/1-50-17-1475-2/24 od 2.9.2024; tačkom 3. Razmatranje poslaničkog pitanja, broj: 01-50-1-1676/24 od 5.9.2024. i tačkom 4. Tekuća pitanja.

Ovaj prijedlog usvojen je jednoglasno.

Nakon što je usvojen prijedlog za dopunu dnevnog reda, predsjednik Nezavisnog odbora Enes Obralića konstatirao je da je usvojen sljedeći

D N E V N I R E D

1. Utvrđivanje rang-liste uspješnih kandidata prijavljenih na Javni konkurs za provođenje procedure odabira kandidata za izbor direktora Državne agencije za istrage i zaštitu s kojima je obavljen intervju;
2. Razmatranje Urgencije za postupanje po pritužbi i dopuna pritužbe na rad direktora Državne agencije za istrage i zaštitu, broj: 05/1-50-17-1475-2/24 od 2. 9. 2024;
3. Razmatranje poslaničkog pitanja, broj: 01-50-1-1676/24 od 5. 9. 2024;
4. Tekuća pitanja.

Ad. 1. Utvrđivanje rang-liste uspješnih kandidata prijavljenih na Javni konkurs za provođenje procedure odabira kandidata za izbor direktora Državne agencije za istrage i zaštitu s kojima je obavljen intervju

U uvodu u ovu tačku dnevnog reda predsjednik Nezavisnog odbora Enes Obralića istakao je da će se Enes Bezdob, član Nezavisnog odbora, iako prisutan na ovoj sjednici, izuzeti iz odlučivanja o ovoj tački dnevnog reda jer nije bio prisutan na prethodnoj sjednici na kojoj je obavljen intervju s kandidatima.

Nakon intervjua članova Nezavisnog odbora s kandidatima prijavljenim na Javni konkurs za provođenje procedure odabira kandidata za izbor direktora Državne agencije za istrage i zaštitu, uslijedilo je ocjenjivanje i bodovanje kandidata, a radi sačinjavanja rang-liste. Nakon bodovanja, članovi Nezavisnog odbora jednoglasno su usvojili sljedeću

R A N G - L I S T U

uspješnih kandidata za poziciju direktora Državne agencije za istrage i zaštitu

1. Darko Čulum (68,57 bodova)
2. Ljubiša Pandurević (67,85 bodova)
3. Slobodan Radinković (66,42 bodova)

Ad. 2. Razmatranje Urgencije za postupanje po pritužbi i dopuna pritužbe na rad direktora Državne agencije za istrage i zaštitu, broj: 05/1-50-17-1475-2/24 od 2.9.2024.

U uvodu u ovu tačku dnevnog reda predsjednik Nezavisnog odbora Enes Obraliya istakao je da je ovo tijelo zaprimilo Urgenciju za postupanje po pritužbi i dopuna pritužbe na rad direktora Državne agencije za istrage i zaštitu poslanika u Predstavničkom domu Parlamentarne skupštine BiH Šemsudina Mehmedovića koja je po prispijeću dostavljena svim članovima Nezavisnog odbora, te otvorio raspravu. Nakon rasprave, u kojoj je učestvovala većina članova Nezavisnog odbora, a u skladu s članom 14. stav (2) Poslovnika o radu Nezavisnog odbora kao nezavisnog tijela policijske strukture BiH, članovi Nezavisnog odbora jednoglasno su donijeli zaključak da pritužba i dopuna pritužbe nije osnovana a o čemu će podnosilac pritužbe biti pismeno obaviješten.

Ad. 3. Razmatranje poslaničkog pitanja, broj: 01-50-1-1676/24 od 5. 9. 2024.

U uvodu u ovu tačku dnevnog reda predsjednik Nezavisnog odbora Enes Obraliya istakao je da je ovo tijelo zaprimilo poslaničko pitanje poslanice u Predstavničkom domu Parlamentarne skupštine BiH Sabine Ćudić koje je po prispijeću dostavljeno svim članovima Nezavisnog odbora, te otvorio raspravu. Nakon rasprave, u kojoj je učestvovala većina članova Nezavisnog odbora, jednoglasno je utvrđen odgovor na poslaničko pitanje koji će u skladu s članom 171. stav (2) Poslovnika Predstavničkog doma Parlamentarne skupštine BiH biti dostavljen podnositeljici poslaničkog pitanja.

Ad. 4. Tekuća pitanja

U okviru ove tačke dnevnog reda članovi Nezavisnog odbora jednoglasno su se dogovorili da će, u skladu s Planom rada Nezavisnog odbora kao nezavisnog tijela policijske strukture BiH za 2024. godinu, a u prethodno dogovorenim timovima, u oktobru 2024. godine posjetiti Graničnu policiju BiH, u novembru 2024. godine Direkciju za koordinaciju policijskih tijela BiH te u decembru 2024. godine Državnu agenciju za istrage i zaštitu.

Predsjednik Nezavisnog odbora Enes Obralića zaključio je sjednicu u 18.40 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića